

頭品頂戴湖廣總督臣李瀚章湖北巡撫臣彭祖賢跪奏爲煩缺知縣陳員調補恭摺仰祈 聖鑒事竊查准補湖北孝感縣知縣宗景藩於光緒六年十一月二十三日病故當經奏請以武昌縣知縣凌心坦調補接准部咨坐光緒七年七月二十二日行文該員凌心坦先于七年七月十九日在省寓丁父憂開缺自應仍以原開缺日期另行揀員請補查定例知縣應調缺出俱令于現任人員內揀選調補又州縣等官必歷俸三年以上方准揀補又准部咨嗣後凡保題升調人員應令于保題疏內將該員任內有無積案及欠解錢糧承緝未獲盜案詳細聲叙如承審案件並承緝盜案徵解錢糧已起降調革職參限者概不准其升調各等語查孝感縣地廣民稠政務紛煩係衝繁疲難兼四要缺非精明穩練才識兼優之員不能勝任臣等在於通省實缺知縣內逐加遴選查有興山縣知縣元廷鑑現年四十歲江蘇吳縣人由內閣供事於同治元年咨送 方略館當差九月考取總理各國事務衙門二年三月傳補仍兼本館差旋因承辦軍機清摺告成議叙從九雙月三缺後選用復因承辦軍機漢摺告成議叙加一級紀錄一次嗣經總理各國事務衙門保奏以典史歸正班前先用並加理問銜四年經神機營咨調赴奉天省剿捕馬賊出力保奏五年奉上諭着也選典史以縣丞不論雙單月歸遇缺前先選用欽此復經總理各國事務衙門例獎 賞加同知銜八月差竣回京六年隨同出使西洋當差保奏以知縣用奉 旨着照所請欽此十年因出使差竣保奏仍以知縣不論雙單月歸議叙班儘先選用奉 旨依議欽此十一年本衙門例獎選缺

強搶傷人 十五日永清門口下午之際有槍奪牛肉者其人早已預備洋鎗刀械因而互鬥城門之下來往人多不及走避遂被傷及旁人有某錢店東主之手亦爲鉛彈所傷血流如注其餘街坊受傷者亦有數人其槍匪遁否尙所未悉而街坊共抱公憤擬將情節稟官請驗嚴辦兇匪矣○槍銀被獲 前數日南門外某店于午候時將銀平兌爲匪徒經過立即槍奪店件分路追起匪徒走入鄰街典肆欲圖躲避適爲一小孩所見指告店件即時捉獲即爲解官審辦焉○投案質訊 營弁譚得彩于前歲時被人告發謂其作惡多端武斷鄉曲請官查究昨日有李傳盛等赴撫轅呈訴前之被害者均已到省願同質証十三日裕制憲批云據呈譚泰即譚得彩擅用私刑無惡不作會割僧日明左耳勒詐張增保銀既據同被害之人投質仰按察司飭府會督臬局員提集澈審實情錄取切供盡法懲辦投到紳民應在保候審不必管押結抄發

論船局講書 福州信息謂船政局提調臣觀察現逢西人禮拜日必親赴前後兩學堂督率員紳教習各講聖諭一道孝經一章以期各生徒入於耳而會於心日漸月摩潛消其浮躁之氣而躋於禮義之域此誠教育人才之苦心挽回澆俗之良法也夫君子謀事必慮其遠者大者而不沾沾於旦夕之效尺寸之功此固非寡識淺量者所能窺及也以今日洋務之興凡急功近名之士靡不藉此為進身之階求榮之具而究之目染耳濡皆屬西國之緒餘粗述言語務肖其形容浸淫日久轉變其性情喜其風氣而反以中國禮義靡恥為拘束視中國倫常綱紀為虛設是無論所習皆西國皮毛全未窺其奧而得其要無以效用於當時即西國之技無不精西國之學無不通而以辦中國之事接中國之人轉有格格而不相入者且將舉其宗族誘其知交以盡變為西俗然後慷慨於心而慰於願焉是朝廷不吝爵賞不惜貲財以教人肄習西藝原期備緩急而資委用者豈非相望殷而收效寡乎然此非其人之不善學也乃為上之不善教也聞沈文肅公初設前後學堂時已慮及乎此特檄欽刊有聖諭孝經等書以備學徒暇時得以覽觀而有以會悟其意義陶淑其身心則意美法良周密已極無如日久廢弛倡率無人遂致創設者之深心泯焉盡沒此善作者不必善承古人所以慨歎於不置也邇來輪船製造日多管駕需人恒於前後學堂拔取其尤分別委用是國家作育之效已有可觀然如有識者所言其中器識宏遠性情和粹者固不乏人而以一技為足多趾高氣揚求如西人之循規蹈矩亦不可得者又復不少則知詩書之澤禮讓之風末由漸被殆非一朝一夕之故也呂觀察在局業有半載顯接於目而默記於心惕然悚懼思有以挽回而轉移之以為欲其躁妄之氣頓除則莫若生其敬畏之念欲其忠義之心共奮則莫若導其彝好之良而聖諭則法戒所昭垂孝經則天良所感發苟能朝夕講貫由其言而知其義涵育薰陶則有亢戾潛消於不覺而暴慢馴化於無形此非迂濶之圖實切要之務也其必於西人禮拜日舉行者則以是日為西國安息之期例得給假與其藉此餘閒而出外游行相率而為嬉戲之事無益有害孰若藉此以講明其義理鍊束其身心使陶淑日深恍然有以知西國之所重者藝也形而下者也中國之所務者道也形而上者也偏重則無裨於實用兼長則有濟於時艱以之建功名者在此以之成德行亦在此以之為忠臣義士聖賢豪傑亦無不在此則國家之所倚賴不又信切乎由此而推而行之則凡肄習西法之學徒苟得其人如呂觀察者以為之表率為之教授則人才蔚興有不蒸蒸日上者固理勢所必無也方今中國崇重西學而見微知

著之士又有所深慮而並不知爲設善法以期悉歸無弊甚且痛斥西學爲不足爲深嫉洋務爲不屑習輕自守此與因噎廢食者何異詎庸知潛移默化之妙術又有在於習聞習見之中而總不出於聖經賢傳之內固有並行不悖如此者乎世運之遷流靡極而人事之補救有權沈文肅公創之於前呂觀察繼之於後所以教育學徒之法備矣竊竊爲國家育才者勿以爲迂而置之也

電音 十六日英都倫敦發來電音云法國現以埃及情形日甚一日深恐釀成禍亂貽害民生有碍貿易特倡排解之議爲調停之術擬請各國簡派公使齊赴士坦波路處相與會商俾于戈得以永息焉業已具有文書移咨各國矣聞英廷接到移文已允允其所請也十七日又發來電音云法國委員關門叙議有大員富列思匿宣言於衆謂埃及之事在法國實無此權力足以戢其萌而弭其變也惟望歐洲各國同心協力妥爲調處庶幾可以保存太平之局耳○星使行程 法國遞到郵筒云中朝駐美日秘三國欽差鄭玉軒京卿已於西歷四月二十五日由美國偕其隨員行抵英都倫敦矣將取道於法都巴黎士以前往日斯巴尼亞茂地列都城以遞國書而輯和睦也○英國近聞 倫敦暨拿新報云日本駐英公使麼利現因玉體違和前往林士結處以資調攝候病愈後乃回署辦理事務焉○埃及近聞 西歷五月十日倫敦郵信云接有埃及最近消息得悉埃及事情甚屬不妥各大臣皆懷二心欲梗抗埃王政令使僅同守府不能構自己操現英法二國駐劄是處領事相與會商以籌保護埃王之策而各國駐劄埃及領事則皆飛遞文書回國請其朝廷速派鐵甲戰艦馳赴亞力新的尼亞處以防意外焉十五日信息云英法二國得接駐埃領事文書即派戰船分途前往亞力新的尼亞處矣

阿爾蘭近事 阿爾蘭信息云昨有匪徒一隊於夜候前往哥士參羅之屋欲圖劫掠幸事機不密早爲官差所偵知立即派隊馳往分途堵截匪徒竟敢持械抗拒互相燃鎗鏖擊相持許久匪黨受創實甚經獲有十五人解官訊究按哥士參羅前在嘉理地方曾被匪黨鎗傷以其不入亂黨故恨之刺骨也此次匪徒約有三百餘人云又羅十金門郡有縣官士蔑輔之屋亦被匪徒騷擾將其所儲麥米及貨倉放火焚燒官差聞警急即赴救匪黨燃鎗與差糾纏差亦燃鎗擊之衆乃散去又有國學教習尼理近之屋亦被亂黨圍攻鎗彈轟轟直擊向尼理近之臥房幸守禦嚴密未被攻入亂黨知無隙可成亦一闕散去而貼有揭帖在尼理近之門其畧謂若尼理近將往地稅衙爲証人以控告某田客則必伺其出而殺之焉○土耳其機郵音 西歷五月十四日土耳其機君士但丁都城信息云土國允賠俄人之兵餉業已妥立條

約經土廷畫押以便施行矣○疫症可慮 土地列士太晤士西報云現在三打得處疫症流行新嘉坡總督因此出有告示凡船隻由三打得駛到者均要循例請驗暫停口外以免傳染焉○公使行程 西字報謂聞西班牙國駐京公使經附法國郵船由本港前往上海擬與德國公使方卑蘭會晤然後同往高麗以議立通商和約也

擬建電線續聞 前經官紳稟請省中大憲擬在省垣建設電線以遞至九龍而接於本港茲經總巡拿尼輪船載有電線各物料到港計其長共有英里一百四十里約一月後可以興工建造閱六個禮拜之久可以完工云○裁撤學堂 申報謂天津機器局內向設有水雷電報學堂延請西人相君專教為教習學堂分有內外名目內學生選少年聰俊子弟充當兼讀中西書有數人于西文本已通曉者其學以電學西文為主水雷為副外學生選少年兵弁充之重在製造施放水雷蓋一求明理一求精藝俾效用時可相濟為功立法甚善前歲學有成效時適天津至新城大沽設立電線即派內學生分司電報其外學生撥至大沽專立一營謂之水雷營嗣以電報尙欲擴充水雷未臻奧妙故於兩年前復招幼童數十名照前肄業機器局提調文鎮軍瑞奉委總辦學堂事務當時章程由舊各生徒由父兄結送到局俟學習年滿聽憑官憲量材錄用不得作輟並另覓枝棲在本生父兄既令就學日深期望乃茲得津友來信謂該堂近忽裁撤其房屋已併入水師學堂總辦文鎮軍仍為機局提調前月念七日考試各生取列前茅者選入水師學堂或送水雷營學習然人心渙散多視水師為長途且被撤諸人前功盡棄殊可惜也

福州近報 十一日福州西人遞來信息云是日茶市開售有洋行四間經與購買而僧頗昂由是各行生意亦頗有起色焉工役人等往來運茶甚形熱鬧又聞船政局大臣現因玉體違和具奏朝廷欲卸事回籍以便調理又是年福州火災層見疊出昨日下午遭回祿者計有兩次是亦宜慎為防備以免不虞者也○粵東海防 本港西報云粵東大吏在虎門新築之炮臺及省河附近所修之舊炮臺均已一律工竣計自一千八百七十四年起至一千八百七十九年止因築虎門炮臺共需經費銀二十九萬兩而省河附近各炮臺共需銀三萬兩又自一千八百八十年起至一千八百八十一年止虎門炮臺需工費銀二十一萬兩而附近省河各炮臺則需工費銀十九萬三千兩前六年內共支銷銀四十二萬兩後兩年內共支銷銀四十萬零三千兩現炮臺九座共有炮一百五十九尊皆洋炮也式樣或新或舊各有不同其築炮臺之物料名曰三合土蓋用灰坭沙及糖汁等物攪和而成云西報所言如是譯錄之以見西人之留心中國時事也

火船往長崎神戶

啟者本公司有火輪
船名蘇彌打孖路準
期本月二十四日下
午四點鐘開行前往
日本神戶長崎湘管
橫濱倘 寶號如有
搭客附貨者請至本
公司面議 此佈

四月 十六日

三菱火輪船公司啟

火船往安南西貢
啟者茲有堅固火
船壹隻名亞林卑
改五月初壹日落
貨至初六日下午
啟行前往安南西
貢準如貴客欲附
貨搭船者請至本
號面議載脚相宜
壬午四月十九日
同記公司啟

啟者中環威靈頓街門牌四十六號永興隆洋
煙生意原日係鍾西垣鍾吉堂志圖別業自願將名
伴同做今鍾西垣鍾吉堂志圖別業自願將名
下股份頂與和合堂承受下於四月二十日交
易清楚仍用永興隆號加同記二字開張凡永
興隆號以前有欠到各行貨會揭借等項准四
月二十日支結如二十日不到報明乃係自誤
俱歸鍾西垣鍾吉堂名下支結不得向和合堂
新人追取先此聲明以免後論
光緒八年
四月十七日
和合堂謹啟

中外至今二十餘年矣。前者余經上烟癮六年。屢戒不
頭人醫師甲都魯先生考究秘傳他國戒烟藥。慈敷味
共煉製成一戒而斷此癮。乾的味美不苦。不辛。併無入
癮。立除。照吸烟時服。凡遇出外。烟癮起。卽食。攪便見功。
能治咳嗽哮喘。無憂。癮。每個九厘。窠。每包八個。價銀
消。積。攪。凡未成癮者。當吸完烟時。食一二個。能盡除烟
也。每個價銀四厘。窠。每盒卅六個。價銀二毫。一在
一在粵東省城大新街昌記扇店。一在佛山快子
頭昇平街益昌扇店。一在星架坡馬車街聲利行寄
求天厭之。香港發興街口黃天寶堂謹識。辛亥

貴重地段出投
啟者拍賣人機地士承典主命於一千八百八十二年六月九號禮拜五即唐四月廿四日下午三點鐘有屋二間連地出投一在荷李活道門牌第九十八號一在四方街門牌一號地段在工務司註冊第三百八十四號該地段在荷李活道量大約濶十七尺在四方街濶大約十七尺深大約六十尺若投得者每仟員先交定銀二百員但轉紙之日須任由一狀師轉紙惟狀師費用銀俱由買主支結諸君欲知拍賣章程問機地士便知 拍賣人機地士啟 牛車水

